



11. februar 2011

Inatsisartut suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut Apeqqut:

1. **Qasiangguani Royal Greenland A/S-ip tunisassiorfia nutarterinissamik pilersaaruteqartoruna?**
2. **Nutarterisoqassappat qanoq sivistutisumik tunisassiorfik matoqqatinneqassava?**
3. **Nutarterisoqassappat nutartereernerup kingorna sulisut ikilisinneqassappat?**
4. **Aalisartut tunisisinnaajunnaassagaluarpata Qasigianguani Royal Greenland-ip tunisassiorfianut pikkorissartinneqarnissaat pilersaarutigineqarpa?**
5. **Pikkorissartitsisoqassappallu aningaasalersuineq qanoq ingerlanneqassava?**

(Inatsisartuni ilaasortaq, Kristian Jeremiassen Siumut)

Tungavilersuut

Qasianguani Royal Greenland A/S-ip tunisassiorfia nutarterinissamik pilersaaruteqarnerisut paaserusukkakku eqqarsaatinniippat matoqaanerata nalaanni sulisut qanoq inissinneqassanesut, tassami siornatigut misigereernikuuaarput nutarterisoqarsimatillugu sulisut ikilisinneqartarnerat, Qasigianguanilu suliffissat ima amerlatiginngillat sulisut suliunaarsinneqartut imaaliiallaanaq suliffissaminnik nassaarnissaat ilimanarani.

Aalisartut nutarterineq pissutigalugu tunisisinnaajunnaassanersut aamma apeqquteqaatinnut ilannguppara paaserusuppara, aalisartut tunisinermikkut suliffissaqartitsiinnaratik aamma aningaasarsinerminni illoqarfitsinni aningaasanik atuinerat tamakkiisumik isiginilluni nunaqqatigiit akornanni kaaviiartitsinerunermik kinguneqartarmat inuussutissarsiornermut iluaqutaasumik. Taamaattumik tunisisinnaajunnaartinneqassagunik arlaatigut pilersaaruteqarfigineqarnerisut inuunarneranni atugaat ajortikkumanagit paaserusunnarpoq.

Soorluttaaq soorunami Qasigianguani Royal Greenland-imi sulisut angerlatiinnarneqassanngip-pata inuttullu ineriartoqqinnissaat aqutissiuunneqassappat pikkorissartinneqassanersut pingaarti-llugu paasisaqarnissara tassunga tunngasumik.

Kissaatigaara apeqquteqaatikka ullut suliffiusut qulit iluanni akineqareersimanissaat.